

‘OLLU ANCORA BOLAI

Non portu prus alas po bolai
ca longu est su disìgiu
non tèngiu pru' boxi po arresai
ca atesu m'est su celu
candu s'amori
allupau
de nuis e umbras
abarrat solu
a santzinai arraius de soli
bestius de seda bianca
chi menti' mancas
intìngint in su nieddu.

Sa 'oxi de su entu
est trumentu de poetas e profetas
in custu mundu surdu
pòburu de coru
i arricu de fueddus po de bàdas
ma tènnera est sa terra mia
innui est gosu po fintzas su si perdi.

Abrexu sa fentana
àtra' luxis
s'apubant
a s'apostu
ogus de beridadi
in s'istoria de su corpus e su sentidu.

Sòdigu
me i' bias de su disconnotu
intre is alluinus de s'amurriadroxu
chi indùllint
a s'arresa i a unu bisu nou!
Su bratzolu de su tempus
sighit a santzinai
no ddu potzu
ni mi depu
frimai.
Incàpas ap'arrù ma...
Custu puru est bolai.

VOGLIO ANCORA VOLARE

Non ho più ali per volare
perché lungo è il desiderio
non ho più voce per pregare
se il cielo mi è lontano
quando l'amore
soffocato
da nuvole ed ombre
resta solo
a cullare raggi di sole
vestiti di candida seta
che menti sinistre
intingono nel dolore.

La voce del vento
è tormento di poeti e profeti
in questo mondo sordo
povero di cuore
e ricco di vane parole
ma tenera è la mia terra
dove persino lo smarrirsi è gioia.

Apro la finestra
altre luci
s'affacciano
nella stanza
occhi veritieri
sulla storia del corpo e dell'anima.

Avanzo
per le vie dell'ignoto
tra i bagliori del crepuscolo
che inducono
alla preghiera e ad un nuovo sogno!
La culla del tempo
continua a dondolare
non la posso
né mi devo
fermare.
Forse potrei cadere ma...
Anche questo è volare.